

西
堂
詩
集

于京集卷三

長洲尤 侗撰

自己未十月至庚申十二月止共詩八十七首

立冬日 太和殿早朝用杜紫宸殿韻

丹展遙瞻龍袞垂應鐘初轉渾天儀
簫韶疑向雲霄下彩仗潛隨日影移
萬國梯航三楫見四方封事九重知
君王宵旰憂勞甚翠輦稀遊太液池

寄懷高二亮

二十年前孤竹城獨騎疋馬踏莎行
白衣嘗訪陶元亮青眼相看阮步兵
別後旌旗滿海內老來豪筆向承明

因風問訊聲斷更新按琵琶第幾聲

題画二首

予歲朝作詩有家在江南楊柳村之句蓋思歸也羈
旅經年忽忽入夢因乞梅子耦長圖之以代臥遊題
二斷句貽諸公屬和焉

家在江南楊柳村臨池更有水哉軒可憐庾信空蕭瑟
獨向長安夢小園

家在江南楊柳村画圖極目暗銷魂煩君添上凌風舸
一葉蒲帆直到門

附和詩

梅 庚耦長

家在江南楊柳村疎梅十月又南軒看君老向承明
住自笑勞勞別故園

家在江南楊柳村風前閣筆轉傷魂吳船不送思歸
客百尺澄潭空對門

施閏章愚山

家在江南楊柳村菱荷匝水復蘿軒白頭共是羈棲
客怕聽樽前說故園

家在江南楊柳村霜林滿眼動歸魂扁舟繫處茅堂
上笑指臨磯舊竹門

王士禛阮亭

家在江南楊柳村蘆碕沙步水邊軒玉堂看画翻
悵短葉長條似故園玉堂門閉花陰晚壁間臥看郭熙画江南秋山小平遠元道山詩也

家在江南楊柳村圖中風物黯銷魂滄浪亭下春風起
一夜魚苗水到門

汪琬鈍翁

家在江南楊柳村不煩佳客駐華軒但須擔个長鏡
子料理山童灌藥園

家在江南楊柳村鄉心每役夢中魂異時同作歸來
客倘許肩輿欵竹門

彭孫適義門

家在江南楊柳村數椽月榭與風軒
秋來課作長裾客賦就空憐滯兔園

用枚乘賦柳事

家在江南楊柳村不堪搖落愴離魂
故園極目頻惆悵輸與梅仙老市門

陳維崧其年

家在江南楊柳村笑君只憶水哉軒
野夫原住荆溪上也有葡萄漲滿園

家在江南楊柳村此時村景最銷魂
疎梅未坼香生樹野鴨羣飛響過門

毛奇齡大可

家在江南楊柳村前有客每停軒只因早赴林泉
約長到吳中顧氏園

家在江南楊柳村每逢佳節斷人魂可憐朝罷當寒
食並馬歸來東便門

黃輿堅庭表

家在江南楊柳村水光溶潏足開軒一官蕭簡堪投
老搔首西清憶故園

家在江南楊柳村羈愁無奈惹吟魂好期來往鷄豚
社翠竹寒沙一叩門

彭定求訪濂

家在江南楊柳村
蒲輪徵去滯歸軒
畫圖留得煙霞癖
廿載幽棲久灌園

家在江南楊柳村
東鄰游子最傷冤
客心已結羊求侶
早晚抽簪並閉門

倪燦闇公

家在江南楊柳村
清流碧樹繞前軒
何時一棹凌波去
載酒看花返故園

家在江南楊柳村
刺桐花發正傷冤
浩蕩白鷗能萬里
盈盈新月照柴門

汪懋麟蛟門

家在江南楊柳村一池清漲未全渾
年時記得開軒坐粉蝶黃花竟入門

戊午暮春飲水哉軒時南園菜花如錦

家在江南楊柳村白梅盧橘日傷冤
那須便草歸田疏待賜頭綱眼未昏

得家信人有傳予地震死者戲爲作此

奔車之上無仲尼覆舟之下無伯夷此雖恒言未可信
設或有焉人誰知况乎地震驚千里破巢豈有完卵遺
滄桑忽變岸爲谷玉石不分角與皮棟折榱崩大厦壞
僑將壓焉安能支可憐老夫窮且瘦鷄肋不堪充肉糜

夷甫排牆豈足惜曼卿碎瓦徒爲噉曾參殺人顏回死
訛傳往往多異辭昔聞蘇子瞻已歸道山去路遇章子
厚回向人間住飢寒臣亦厭餘生言之傷心有深趣吾
比坡公却兩遭人之爲言良足懼丙戌秋寄金
陵或傳子死年過六
十生若浮墓木拱矣復何求方朔苦飢后山凍寒熱小
病皆行休假使世上無此物辟諸去贅與決疣但乞淮
南作鷄犬何至狼籍委泥溝家書一讀一惆悵翻然大
笑成謔浪今後返覓如更生痛飲狂歌增頽放寄謝衆
人皆欲殺於陵仲子猶無恙

題王山長小照

先生高坐吟梁甫，苜蓿闌干何太苦。
橫琴似欲操猗蘭，秋風夢斷瀟湘浦。
燕市相逢各白頭，君爲楚歌吾楚舞。
酒酣却憶梅村詩，不信廣文今廣武。
末句梅村贈馮詩生詩也山長官武學教授

喜徐立齋學士至京二首

不過經年別迢迢，便覺疎紅塵方遲。
爾白髮轉愁子重，直西清席偕披束。
觀書相逢亟問訊，幾日食無魚。
于役纔踰月，新詩如許多。
褰帷看泰岱，緩轡渡渾河。
秘閣需筠管，朝班想玉珂。
倘承宣室問，無事說田何。

贈瀾壑禪師二首

曾在楓江轉法華鐘聲曉夜響三車
竭來說法長安道
朔雪寒風天雨花

蒲團叅破老禪關萬頃閒雲十笏閒
欲問如來第一義
今朝豎拂看西山

敝裘歌

嘗讀孔子鄉黨篇羔狐麕裘皆有焉
季路縕袍雖不恥
子夏鶉衣殊可憐曾參原憲同衿肘
惟有赤也游翩翩
弟子猶願朋友共先生何不贈諸賢
固知吾從大夫後
必須盛服隨班聯今之從政豈不然
公卿滿座羅貂蟬
其次狐白與天馬烏雲豹飾連金錢
最下羔皮素絲絨

輕煖亦貴取新鮮但聞孟嘗千金直幾見晏平三十年
江東老夫本逢掖蕙帶荷衣自組織相如鸛鵲久已典
青蓮紫綺那可得澤中男子一羊裘短毛種種無顏色
南方裝綿便奇溫幸免淒其歎絺綌來燕臺當朔風
冰凌十丈雪摩空屋頭常聽吹膚發牀角無處求蒙戎
旅人一寒乃至此百結何以禦三冬市上小兒顧我笑
彼何官人此衡衡五陵少年九江賈雉頭廳子爭豪雄
書歛徒解弄筆墨青衫縷裂澁難縫朱門揖讓且不可
何堪拜舞明光宮吾言我自用法終日閉戶甘疎慵
早眠晏起布衾足晚食緩步枯骸鬆曝背好披黃絲襖

炙手還向煤爐紅客來豈有煖寒會東鄰雪酒賒千鍾
裘雖敝勸君着與我周旋久聊厚不爲薄君不見關塞
征夫臥鐵衣彎弓墮指青霜落飢荒滿地泣流民千村
露齒填溝壑

至夜旅懷和韻二首

沍寒最苦逼衰年肺病偏憐內火然客夢驚回仍北地
家書看盡隔南天倚杯每欲彈長劍呵筆何當問短箋
數盡更籌知夜永羈愁還共曉星懸

吟詩已到北風涼測景初看宮線長正好三杯煨榾柮
漫勞四庫檢縹緲韶光易老惟殘歲貧病相宜是故鄉

刺剪寒釭點周易閉門亦足養微陽

冬夜訪濂齋中小飲歸而賦此

漫持杯酒話盤桓對此茫茫起百端塵夢漸隨殘日短

羈愁逼近五更寒挽歌何處悲青塚

聞王魯生編修天亡浩唱誰

家舞翠盤

鄰人有演劇者

總是傷心聽不得數聲清漏月闌干

歲暮雜詩四首

雖在長安中窅然如空谷冷官多閒居豈必待休沐冠
蓋非不繁往來厭逐逐朔風日以寒歲晏常局促衰年
苦病肺攤書不能讀頗遂筋骨舒懶慢鮮拘束五更呵
殿高布衾足猶縮不知一市闔門前響車軸東家傳彈

文西家誇除目此事未暇論安坐方噉粥

索居雖寡營耳目多觸忤驟聞天鼓鳴轟若奔車仆俄
驚內殿焚禧出聲相呼 一人方齋居夙夜無逸豫后

土幸已寧皇天夫何怒咨嗟戒羣工占驗思其故臣聞
古盛時堯舜亦多懼啓聖在殷憂救災當遠慮鼓者兵
不戢火者刑不措息兵務修德省刑先薄賦願布寬大

書廣收直言疏一變見景星再新成甘露

十一月二十八日天鼓鳴

十二月初三日
太和殿災

天變固足畏民窮更可傷上帝一降割率土皆凶荒兩
河山左右大無麥禾秧秦楚方戰伐驅掠運餽糧江浙

財賦區旱魃兼蜚蝗黃河口復決淮徐日湯湯老羸轉
溝壑壯者散四方飢寒生盜賊行劫滿路旁卽今畿輔
地曠野無高粱朝廷急軍儲何以充倉箱旅人食不
飽淒然悲故鄉仰視雲中雁嗷嗷正南翔

幽憂能傷人積懷難自理歲月逝如流感慨從何起比
閤有同心往來無彼此探錢沽濁醪清談勝多旨覽物
有餘哀讀書差足喜不見琅邪王不得三十死朝爲太
史公夕爲烏有子每念昔人言人生行樂耳問君何所
樂樂天在知止

聞歌

不信長歌可當泣忽聞法曲淚沾巾曲中應有思歸調
歌罷難爲獨坐人歲暮風塵嗟老大天涯生死話酸辛
底須玉笛催腸斷更助哀鴻叫夜旻

己未除夕二首

再度京華歲又闌他鄉親舊暫盤桓三千里外都爲客
六十年餘焉用官地理天文多變異人情物力總艱難
閉門且作圍爐話門外風霜加倍寒

漫撥寒爐萬點灰故園風景首重回身如六鷁常思退
淚盡孤鴻祇覺哀南國幾驚茅屋破西京還觀柏梁災
燈前敲碎鐵如意醉後長歌歸去來

庚申元旦二首

顛倒衣裳趨早朝，萬燈齊度玉河橋。
遙聽雷鼓嚴鸞駕，漸見星旗迴斗杓。
天步艱難憂聖主，民生憔悴愧臣僚。
祇應乞取東皇澤，點染青光上柳條。

青丘久作荷耰人，白首重充簪筆臣。
檢曆僅存小戊午，紀年正守大庚申。
碧山學士焚魚袋，錦里先生漉角巾。
憑仗春風問消息，扁舟煙雨五湖濱。

重憶江南早梅和訪濂韻四首

每憶梅花似故人，故人不見見花新。
淒涼塵土重回夢，辛苦霜天獨報春。
古寺曉鐘鶴唳遠，扁舟野渡雁來頻。

此時徙倚知誰伴疎影寒香暗愴神

悼亡也

泰元墓下路高低鄧尉山前景靄迷萬樹盡臨湖水照
一株恰共屋簷齊藍輿載月扶殘醉粉壁攜燈續舊題
此事追尋如夢寐可憐鴻爪雪中泥

長安大道重行行忽惹春風萬里情夜夢幾曾聞翠羽
曉粧何處覓瓊英彩樓可有傳柑宴燈市猶然撻鼓聲
獨掩紙窓成一笑孤山妻子是前盟

有客金門賦式微良時惜別思依依風吹羌笛花將落
月滿吳山人未歸行看青袍娛寸草坐令白髮怨斜暉
他年同上朝元閣峭緊芒鞋第一機

時訪廉將歸省朝
元閣元墓看梅處

哭曹顧菴學士二首

當代才人曹子建風流餘韻在南村尋常妙處觀鋪啜
絕倒移時聽笑言萬里天寒誰賦鵬百年客散不留髡
同歸更有龍眠老長夜相逢傾幾樽

子語愚山吾輩此時正如酒闌歌罷

賓客各散但散有遲速耳時聞桐城方邵村亦歿并感及之

車笠相逢三十年少君一歲我隨肩題詩每寄梅花驛
載酒同登竹葉船珠樹飛騰看後輩

謂掌公羹士諸子

玉堂忝

竊愧前賢祇餘兩袖龍鐘淚他日西州哭墓田

口號四首

青衫白髮滯天涯不見園林一樹花却笑東君殺風景

大堤三月賣黃沙

朝拈香炷暮燃燈客况依稀蕭寺僧聞說潞河春水滿
玉堂未解一條冰

盧溝東去薊西日日紅塵逐馬蹄爲問高梁橋畔草
錦裯油幕幾人攜

江南花信燕飛時到處銷魂楊柳枝一自玉臺人去後
征夫減盡故鄉思

三月正當二十日和賈島韻十首

三月正當三十日無聊客舍住閒身不須苦恨春歸去
未見桃花底是春

三月正當三十日間遊未許放官身可憐河畔青青草
消受風沙筭一春

三月正當三十日殘燈剩枕伴孤身落紅萬點青山外
夢到江南尚晚春

三月正當三十日水哉亭子記前身故園楊柳應無恙
啼盡黃鸝自送春

丁巳是日與諸公宴集賦詩亦用此
句首倡

三月正當三十日壺中日月隙中身夜臺人去無消息
羅綺何年嬌上春

三月正當三十日蕭騷白髮異鄉身不知明月高樓上
絲管誰歌子夜春

三月正當三十日幾番風信養花身齋前只有丁香樹
零落殘粧也殿春

三月正當三十日一年小劫百年身興來欲把朝衣典
暫買京華竹葉春

三月正當三十日一官羈縻未抽身東君閣筆勞評跋
春負人乎人負春

三月正當三十日靜中忽悟本來身蓬山花發洞天曉
雲海沉沉別有春

和老杜偏側行

偏仄復偏側家在江南身在北那能騎馬傍人門日日

趨瞻望顏色長安大道直如弦其中叢雜生荆棘男兒
腰折似弓彎有口箕張開不得矧予野性本不馴老至
顏唐苦無力平生故人儼然在可憐對面不相識爲官
不許放狂顛貴人衣鉢孰先傳金馬浮沉甘自廢但惜
辜負春風天蹋青不見羅裙幄落花啼鳥誰人憐旅舍
局促僅如拳木牀土銼俱蕭然晨齏暮鹽頗難遣叵耐
長日杳如年蠹簡一編徒翻覆倦眼昏騰晝欲眠朝來
祈雨幸斷肉豈知買菜原無錢

題画

山中數椽屋許借幽人住有意抱琴來彈向雲深處

送彭修撰歸省

送君無事唱驪歌，且向燈前醉叵羅。
馬去燕山青草盡，人歸吳苑白雲多。
早從國杖求丹藥，暫捲朝衣製芰荷。
憑託南鴻與問訊，葑溪春水近如何。

送勞少叅之黔中

大小龍番新掃除，彤軒特遣贊軍書。
郵傳正藉相如檄，轉運方需諸葛車。
爭看壺漿迎羽蓋，獨飛墨草照犀渠。
他年奏凱鳴銅鼓，還入西京賦燕胥。

送陳州守之汶川

六月王師正挽戈，使君驅馬渡岷峨。
衙時爭獻郫筒酒，

定後新翻巴焚歌軍壘尚留八陣在人家漸見七盤多
平生嘗說陳驚坐此日青門送玉珂

懶朝

一月三朝會已稀野人性懶尚依違官貧未辦委蛇食
體憊難勝顛倒衣丹地有心常戀主青門無事只思
歸山中飯熟方高臥應笑鷄鳴騎馬非

劉井柯亭二首

有序

林院中舊有柯亭劉井井爲劉文安定之所鑿柯
學士潛手植二柏造瀛洲亭以臨之李西涯詩所云
我行樹下日千匝是也今遺跡尚存而其人已往予

過之慨然有感爲二詩志之

露井誰穿雪乳寒先賢手澤記文安鮮華欲借青絲綆
堅潔長憑白玉欄視草應添墨沼潤炊糜還解釜塵乾
往來看盡行人汲甕敝終慚上水難

莆田學士校書來小築瀛洲四面開日過八磚停玉署
風生三昧出銀臺堪同逸少修蘭襖豈有中郎選笛材
爲問婆婆雙柏在幾人樹下走千迴

賜藕恭紀

八月晦日

碧藕如船太液池侍臣分賜折瓊枝生成天上玲瓏
骨拔出泥中冰雪姿蓬館攜來秋色裏草堂批向晚涼

時君恩欲解相如渴引起羈人萬縷絲

閨中秋

朝來寒露送新涼仰看牽牛夜未央

是日寒露
昏牽牛中

和仲應

書秋再正伶倫還奏月重光

君王南苑翻霓舞

駕幸海子

士女西窓添篆香獨有旅人愁不寐此身無奈厄黃楊

聞雁

翹首秋風旅雁飛楚歌寥戾送將歸天涯萬里碧雲合
江上數聲紅葉稀西望關山烽火隔南來霖雨稻梁微
煩君地下傳書去親見征夫淚滿衣

葉院長先生和東坡清虛堂詩題翰林院壁次韻

一首

翰林院前堆堤沙風吹鈴索無排衙先生高坐獨搖筆
殘燈猶照金蓮花南面百城擁萬卷天下號爲文章家
眼中箱篋多苦海有如墨汁塗烏鴉喜聞金鐘鏗雷響
瞥見玉樹飛霜葩新詩真堪起痼疾使人技癢發搔爬
却笑蘇門四學士清談浪費密雲茶只今駿足滿冀北
愧我老馬勞鞭撻汗青無時已頭白羈旅廓落空悲嗟
先生倘肯放歸去翹首還望天台霞

翰林院新修再次一首

東華軟塵揚灰沙北風日日吹南窗長安紫米一無有

街頭九月賣黃花
竭來騎馬入西掖
瀛洲窈窕疑仙家
紅牆藻井轆轤轉
槎枒古柏啼寒鴉
壁間誰寫龍蛇字
商盤周誥兼詩葩
猶如工師操繩墨
梓人斧鋸巧人爬
坐觀堅茨塗丹雘
重新函丈陪清茶
先生可歌弟子和
逢逢鼉鼓還堪搥
石渠有書尚能讀
玉堂如水休吁嗟
來朝趨朝暾初出
蓬萊宮闕皆雲霞

送高念東侍郎歸淄川

淄川先生文章伯
掉頭金門臥百尺
放懷汗漫逍遙遊
頂摩青穹蹋白石
竭來把臂吳市中
爾時飛雪號朔風
先生脫帽浮大白
卽席揮毫四座空
我疑君身有仙骨

芒氣辟寒同日月交梨火棗定得餐金璫玉佩行將發
先生謂子毋多言誰能跼蹐升崑崙學仙不成去學佛
終當抖擻歸祇園勗我聰明未聞道苦海回頭身已老
回舟讀我十空詞酬答蟬聯翻絕倒長安大道天門開
野人忽登黃金臺白雲逢逢皂輪催先生亦從田間來
相逢一喜還一怪息壤之盟豈相背歲星遊戲固無妨
本來面目依然在 天子疇咨重老成後生冠帶自盈
廷鴟鴞漫銜腐鼠嚇弋者何慕鴻冥冥幡然乞身返故
里三徑田園行樂耳裴相應叅黃檗禪留侯長伴赤松
子我亦明年歸五湖追隨藜杖共提壺遠公倘舉白蓮

社重画虎溪三笑圖

歲暮雜詩偶用僻韻 三十首

齷齪小衲衲婆娑一老癯惡聲惟聒策隱語是芎窮

策

言悲栗芎窮言空窮

國史投班管家書碎竹筒傷心何處問天意

自夢夢

晏起日高春沍寒萬事情慵頭童多曲局肌粟乏龙茸老
作書中蠹窮成官裏傭却因離索久喜聽足音登

敢學先生褚長依居士龐詠懷燭跋剪閱世劍鋒撞竹

葉尋觴政梅花想笛腔幾時招隱去北谷共南淙

后村詩愚

公居北谷漫更題南淙

世喪問何其吾衰歌已而蝶寧分夢覺烏執辨姦雌一
食嘗三歎孤居續五噫旗亭新醞熟無計典金龜

露下一陽晞林中百卉腓蕭森披樹介

時有樹介諺云木有介達官怕

冷淡曳茶旂騎馬風當路呼鷹雪打圍獨眠誰剝啄牀

下走蚍蜉

行止漫趨趨居停費拮据飄流成木偶俛仰像蓬條靜
息看香鴨濃書笑墨猪塵埃難寄託欲執化人祛

顧影色如荼條然草澤癯探囊空阿堵彈鍊少輟隅天
地悲龍戰江山弔狗屠獨攜一樽酒無處滴黃壚

吾道似醯鷄人生逐水鷺窮魚寒跳沫老馬暮酸嘶稽

首慈悲父皈心法喜妻

上句見誌公懺
下句見楞嚴經

尚餘青白眼風

月可評批

十斛泥沙面三分土木骸恨深埋玉樹淚盡折荆釵公
案蓮花筏前程麻草鞋錦車珠勒馬自滿洛陽街

輦轂鎮轟厖端憂萬慮堆低昂隨傀儡嘻笑任嬰孩會

取葫蘆煮

盧溪
慎事

還尋蘋蓳煨

李泌
事

三冬明鏡裏霜雪白

皚皚

漢家方告緡魯叟苦斷斷酒斷脰常皺書多手易龜世
情求水火俗學改金銀莫效狂生哭須防醉尉瞋

太白掛天垠硫黃迸地墳一身羈木馬衆口聚雷蚊客

氣高表丈浮名重幾斤古人已千載吾輩漫云云
大路馬牛犇重關虎豹踰人皆挾趙瑟我欲拊秦盆世
局蜂穿紙生涯蝨處禪何當一石醉絕倒滑稽髡
飢來形刺促老至步槃跚仕宦憎蛇足才名賤鼠肝牢
愁添藥裹噩夢付蒲團妙道如磐石何由借木鑽

傳先主以

木鑽穿一石遂得道

三年京雒客老作白魚鰥獨寐因成懶長齋不是慳病
多門籍註日短篋書刪金馬雖堪隱寧如吳市闌
仰屋看三椽直廬過八軌操觚陪史籀執戟讓優旃易
放天邊眼難猜世上拳此中無宿物空笑腹便便

風氣漸刁刁因之雨雪漁蓑砧和夢搗楮拙帶書燒天

變日纏角年飢星在枵一枝倘可托我欲學鷦鷯

是叟已名聲凡書亦可巢

元結自稱聲叟放翁名其室曰書巢

讀騷反九

辨布易飲三爻斷念同枯木羈身類苦匏史長無一似

空自立螭坳

股腳與雕尻公車雜刺嘈交稀門自鍵食盡釜常轆恨

擊鐵如意愁思金錯刀樂飢兼好睡只合學吳猱

吳舍象居

南嶽經旬不飲食好睡人呼吳猱

抖擻作頭陀猶存詩酒魔扶頭須酩母媛脚借湯婆自

把銀釭剔誰將牙管呵江南梅放未夢裏覓行窩

宦海浪浮槎紛爭兩角蝸戲隨竿女舞怒發鼓人槌賣藥並三折吟詩手八叉更憎叔夜虱禿爪費搔爬

世路又如張禽魚空頡頏

甘泉賦魚頡頏而鳥斯

低頭捫枳棘仰面

觸機槍夢去三尸遞憂來六鑿攘何時煙水畔欹枕聽

鳴榔

子立影惻惻迴腸難拄撐天寒人寂莫春到歲崢嶸

鮑昭

賦歲崢嶸而將暮

寄食鷄豚市隨班子弟棚吳儂羣調笑投老

變荒飢

日月忽流螢皆空十二冀紅塵方旁午白髮獨零丁感

逝悲吹笛占疑思折筵昔賢風趣好小駟看盤鈴

堅冰陰始凝寒色上衣稜易忘書三策難求米五升

杜詩

日耀太倉
五升米

營巢繞樹鵲托鉢上堂僧近喜煤爐煖終朝

坐氍毹

天地一浮漚人間半贅疣客途勞躑躅世態好啾啾垂
翼憐飛鳥籠頭笑画牛古來噉名子尚在幾人不

有恨隱如針無言兀似瘡檢書尋二酉辨命問三壬野
水縈衣帶寒星落劒鐔終當跨黃鵠長嘯聞風岑

人言求九棘我興在雙柑穴小交攻蟻絲多自縛蠶衰
齡存碩果幻景現優曇若問家何處來同彌勒龕

默坐下鈞簾呼人不出檐布衾如撼鐵石砌已堆鹽凍

偏涼汀下釣臺邊日飽鮮鱗不用錢此日長安轉彈鋏
何如早趁打魚船

庚申除夕

歲月驚心逐轉蓬蕭然客舍瓦盆紅家鄉隔斷羈孤日
骨肉凋零血淚中愁看殘烏催暮景懶將衰白對春風
桃符竹爆年年廢猶酌椒觴擬送窮

辛酉元旦

天子青陽臨御時侍臣拜舞滿彤墀軍功將奏淮西頌
聖德方賡慶曆詩共喜彈冠成際會自憐襍被尚栖遲
假年學易真吾事未濟餘生待繫辭

予今年
六十四

人日

七日春風取次增題詩早泮硯池水

高適人日題詩寄草堂

可憐

剪綵人何在爭愛簪花僕未能門首尚投新歲帖街心

已賣上元燈年年鳬雁飛銀海獨倚高臺望

孝陵

是日

世祖忌辰

元夕二首

金吾放夜鐵關開玉燭當天寶輦迴聞道君王遊幸

處六鰲海上駕山來

長安仕女踏歌來火樹星橋照眼開獨有嫦娥愁不見

濃雲薄霧鎖粧臺

是夕月食

送汪鈍翁南歸七首

汪生此去若登仙，恰趁春江下水船。今早趨朝出左掖，誰人馬上不揚鞭。

養疾經年絕送迎，一肩書簞便成行。青門楊柳垂垂笑，多少高車出帝城。

布帆無恙返吳閭，西院東齋重徜徉。莫羨山中前宰相，

堯峰外史有新章。

鈍翁應詔日得一圖記署曰堯峰外史西院東齋堯峰地名

如姬掃室並提壺，稚子迎門競挽鬚。更有前村舊鄰叟，也扶拄杖看潛夫。

三月桃花夾菜花，小園櫻笋佐新茶。搔頭却向長安笑，

不見東華十丈沙

五鼓朝參僕馬勞
消磨青簡又焚膏
何如穩飽田家餼
睡起三竿紅日高

少壯驅馳各白頭
餘生公道合歸休
煩君草就山靈約
三尺籃輿一葉舟

恭送

仁孝皇后

孝昭皇后兩宮大葬擬挽歌四首

天家今日葬英皇
十萬旌旗護便房
爭看雲中降帝子
不須繡帳夢遺香

雀喧窓罅荒鷄咽漏籤土牛消息近不日放勾尖

冬景千層障殘年十幅飄雪花侵髣髴額冰柱入頭銜卽
事烏皮几餘生紫石岳詩成三十首聊免一空函

彭羨門云選韻險搜事僻造語奇古今來未有此
一家天地間不可無此一種
陳其年云半莊半屈亦史亦經出入於石湖劒南之
間而得其神髓要而論之執轍之解嘲歲星之客難
也

毛大可曰三唐無險韻律韓孟第古詩耳今險韻詩
滿長安雖是習氣然謹厚者亦復爲之且倍增熾爛
所謂才子影皆好佳入背亦妍也若其奇健之氣聖
使詳洽諧而不發戲而不虐同此無聊獨得各作東
方先生豈甘草草處飢餓耶

于京集卷四

長洲尤 侗謨

自庚申十二月至壬戌三月止共詩八十八首

春朝漫興

京洛浮沉年復年每逢佳節轉淒然
摧藏客夢家千里斷遣殘冬詩百篇
沙磧遠鴻猶帶雪玉河新柳已含煙
朝來擬貰春盤酒只恐東風笑白顛

戲作三禽言

得過且過薄薄粥強如餓短短襦強如破一卷書垂頭
坐一窩香蒙頭臥東家陞官西家賀爾何人哉窮措大

得過且過

行不得也哥哥出門畏逢鹵簿呵懷刺漫滅投誰何歸
來挾冊側帽哦淡飯酸齏齒相磨軒車遙遙雀可羅長
安大道如山河行不得也哥哥

不如歸去家鄉何處門前綠樹池中白鷺春朝秋暮月
來風去扁舟野渡肩輿山路漁樵相遇提壺道故京華
迴顧蒼茫雲霧不如歸去

有貽灤鰓者書二絕句

叩門有客饋枯魚活活灤河垂網餘回首舊游成一夢
相思誰寄遠方書

君王故劍日欷歔三載長秋位尚虛親駕六龍陵上去
殯宮自掩玉蟾蜍

淚落沙河無數沙東風萬點送鸞車相驚織女嫦娥死
陌上家家簪白花

用晉杜工部事

官家灑酒哭雲陵感動人間伉儷情萬戶千門齊掩袂
落花細雨過清明

路見杏花口占

日日輪蹄碾亂沙空餘歸夢繞天涯社前燕子無消息
已見街頭賣杏花

宛平公怡園同汪蛟門攜樽小飲四首

不信青門市能開綠野堂
周遭迴石徑宛轉引池塘
藉草留遊屐攤書著隱囊
園成不獨樂仍許借流觴

陶陶當首夏景物並清嘉
日晚朱簾捲風低白袷斜
輕雷起鸛垤細雨落楸花
濠濮何須羨蓬壺別一家

傑閣重登眺煙雲滿
帝都西山添爽氣北苑得佳圖
橫鉤攀欄楯鳴泉轉轆轤
三年京洛客暫遣客愁無

謝傳東山日琴書聊自怡
夔龍臥丘壑魚鳥上階墀
清話消飛羽狂歌倒接羅
永懷先德在喬木世臣遺

感念文貞公也

弔寓齋丁香

隔歲春殘尚作花
今看枯樹半槎枒
風流不見香薷返
月影空搖丁字斜
司馬攀條餘涕淚
子山援筆獨咨嗟
金鈿玉珥同零落
白首傷心感夢華

三月正當三十日

三月正當三十日
春風已去十三天
家鄉疑望蓬萊島
客夢如遊混沌年
秃筆殘書新活計
落花啼鳥舊因緣
那能暫貰東溟酒
一醉西山綠草邊

是日和蛟門漫興詩六首

老去原宜漫興詩
春來詩興爲愁遲
祇憐芳草生衣帶
不分楊花上髻絲
傀儡登場豈免俗
葫蘆画樣已違時

悠悠世路誰堪問
差許寒山片石知

有客能吟本事詩
曲高自覺倚聲遲
閒情尚繫雙行纒
苦淚如彈獨繭絲
半夜頻驚歸客夢
一年長恨送春時
鏡中白雪添多少
問煞東風總不知

獨立蒼茫自咏詩
家山無恙得歸遲
底須索米囊三斗
賸欲縫裳乞一絲
水旱荒田空望歲
關河戰角漫憂時
何當早汎扁舟去
報與煙波釣叟知

陶公飲酒阮公詩
筆墨頽唐臥起遲
三館雕蟲催白髮
五陵走馬競青絲
夢中薊北松風客
望裏江南梅雨時
自哭自歌還自笑
此中魂壘少人知

歲歲追題賈島詩苦吟聽到曉鐘遲倦同越鳥常垂翼
愁似吳蠶自縛絲竹杖芒屨欠勝具雙柑斗酒負良時
近來學得安心法冷煖惟教飲水知

韞川同作秀才詩我比汪倫拙復遲萬事銷磨莊化蝶
一生惆悵墨悲絲每思濠上鯪魚樂正合山梁雌雉時
吟罷舉杯還自罰短箋聊報故人知

午日

最是衰年難遣節已成孤客尚思家早朝豈有宮衣賜
晚食終無市酒賒彩線愁纏三角黍玉釵夢斷五時花
明朝夏至長如許賭罷圍棋日未斜

題潘楚吟停帆處

二十四橋行樂處掛帆忽向天涯去騎驢踏遍薊門秋
擊筑聽殘燕市雨長安車騎紛無數小戶閒居得佳趣
看他水馬與檣烏便欲停帆停不住

七月二十一日

上御瀛臺 召滿漢諸臣汎舟 賜宴兼頒彩幣有差

宴畢仍 賜蓮藕恭紀詩三十首

有序

幽風流火西顙方來月令迎涼總章斯蒞望蓬萊之
宮闕如在瀛洲問鈎循之園林卽爲御宿于時

皇上薰風避暑宮是九成暇日升高山名萬歲顧靈池

之淡蕩思樂嘉魚撫喬木之扶疎宜言旨酒 特宣
口勅 爰召廷臣開小苑以延英戒大庖而設食樓
船並渡翠襲荷衣帳殿高張香生蘭佩粒分鸚鵡兼
調芍藥之和果劈鴛鴦頻酌葡萄之釀陸毛海錯恣
其沾濡月榭風臺供其眺矚旣以鹽梅醢醢用作和
羹更將黼黻文章俾資補袞頒盤鵬之錦四照千花
捧對鳳之絲陸離五色 恩施已渥 寵賚猶餘恤
勞臣之辛苦貺以蓮心勉下位之清虛錫其藕節豈
惟香羅細葛艷語宮衣翠管銀罌空誇脂澤已哉臣
以庸材叨茲 盛典旣醉旣飽欣逢大酺之年來游

來歌快覩朝陽之日敬成絕句竊比宮詞合譜平聲
庶傳樂府

君王消夏幸離宮垂柳垂楊面面風綠水青山遶殿閣
千官影立畫圖中

新秋零露乍濃濃曉啓天門照燭龍十里香風吹不散
遙知蘭澤採芙蓉

玉泉一派注流淙太液池邊隱画艘自有恩波成五色
浣花不羨錦爲江

並汎蘭橈度玉墀分明閭苑接瑤池大官預辦鈞天宴
內殿先頒金屈卮

細草如茵繡幕圍侍臣
賜坐敝朝衣素餐久已甘
藿此日金門割肉歸

桂藟蘭肴樂燕胥香秔搗出尚方儲
欲知禁苑絲綸美
冰盃先嘗丙穴魚

仙薌良醢自天厨
詔賜千鍾更百觚供奉
御前常
鞠脰便教一斗醉淳于

茂樹風來日影低披襟傾倒玉東西
教坊昨夜呼鷹去
恰聽幽禽自在啼

有肉如坻酒似淮參差笑殺太常齋
却愁騎馬朝天去
倒載長安十二街

御林深處綺筵開
轟飲無煩黃紙催
挹酒頻從北斗望
五雲千朶起蓬萊

青袍如草染紅塵
曲讌驚承大賚新
應識六龍游幸處
水綃萬卷貢鮫人

吳綾越綺望如雲
捧手疑沾百和薰
正值銀河初渡後
天孫織就錦迴文

奉詔爭趨神武門承
恩同出樂游園可知
聖主求言意席上
常施白獸樽

夢到瑤京弄紫鸞
紅樓十二碧欄杆
多因挾纈君恩厚
一夜西風不覺寒

靈囿分排鷁鷺班雲階月地許躋攀

君王獨上瓊華島看盡齊州萬點山

重瞳燕喜拊虞絃籩豆承筐爲集賢何事開元全盛日
曲江祇見撒金錢

休沐初聞罷早朝長楊五柞暫逍遙外人若問吹笙曲
先是彤弓後蓼蕭

大烹鼎食富行庖履泰欣觀上下交寄語山中猿鶴客
休將薇蕨傲衡茅

美人繡段贈同袍簪筆難成獨繭繰自是山龍能作會
羔羊何力補絲毫

秩秩初筵三爵多杯盤狼藉樂如何更傳
天語頻相
勞旣醉無妨側弁俄

朝陽燕及夕陽斜飛蓋西園興尚賒遮莫相如愁酒渴
大家還賜六班茶

水殿風微翠幄涼叢蘭九畹颺芬芳離騷初作幽人佩
今日方稱 王者香

豈樂嘗聞宴鎬京羣工獨飽雉頭羹小臣願借金莖露
還獻吾

皇萬壽觥

金華劍舄滿彤庭香案遙瞻雲母屏太史今朝占列宿

酒旗環拱紫微星

鳳凰鳩鵲集觚稜此地瀛洲真共登猶記玉堂談故事
深宮夜飲送蓮燈

採蓮歌返木蘭舟玉節珠房載兩頭分付從官攜一束
琉璃幢子水晶毬

菱藕蘘荷出上林青絲紫的結同心王維漫寫櫻桃咏
謝眺空題芍藥吟

拜舞歸來酒半酣饒他裏餅與傳柑當年在說顏光祿
曲水詩成三月三

珍重青箱貯素縑臥遊猶繞夜明簾感恩願奏清平頌

不唱江南昔昔鹽

河漢宸章彩鳳銜
盈廷歌謦勝韶咸
短材本乏凌雲賦
欲報慚無五色函

和謝惠連秋懷詩

人生亦何樂終年涉憂患
况當齒髮衰蹉跎歲將晏
仰望青旻高俯矚白石爛
雨深漸躍蛩木落初鳴雁
避俗恒掩閨就閒獨垂幔
每念一身中愁病各居半
追往而計來展轉安能算
人怪阮籍狂自覺嵇康慢
小隱愧未終牽連事薄宦
性愛山水僻杖策眇游玩
本無良史才勉強弄柔翰
但看升斗竭坐使方寸亂
撫茲秋夜長漫

漫何時旦人言長安樂車馬日巍煥如何羈旅客朝夕
發嗟歎一聞砧杵聲思家淚如串

偶成貽羨門

長病莫學醫長貧莫學宦醫雜病更多宦薄貧益見平
生寂莫懷寒暄疏里閭安能驚風塵驅馳事扳援執鞭
欲何求磬折赧麋面豈惟斷歡娛毋乃責懶慢坐是日
困窮握水難煉炭授衣每至冬舉火每至盱與子隔一
垣往來亦未貫閉戶少喧歷挾刺多磨漫抱拙將無同
投閒略相半仰視當塗高顧盼生羽翰門有車馬客旁
觀誰不羨目笑黔婁生苦吟敝筆硯素心旣以然習俗

焉能變終當返丘園且從性所便古人諒有此吾輩復奚歎班生答賓戲東方解客難

吳蘭次貽新詩寄答二首

不見三年零雨多吳興詩興近如何劉伶慣作承槽飲
楊惲時爲拊缶歌夜月寒梅尋野墅秋風哀雁弔關河
長安大道黃埃滿好向江頭覓綠簑

十年踪跡滯天涯夢裏揚州自有家舊事已消金鑿落
新詞應付玉鈞斜佳兒正種庭前樹小婦閒行陌上花
倘遇故人消硯壘康山絕頂訴琵琶

時蘭次初歸廣慶

亡婦三周志感三首

彈指三年駒隙過死生契濶恨如何秋風索索哀音急
夜火熒熒淚影多竟去祇應飛白蝶夢來猶自畫青蛾
傷心北地年年雁寥唳如聞水調歌

整日孤棲夜獨眠客心何處不淒然沽來薄酒翻添悶
綻盡寒衣誰解憐萬事總成開眼夢三生枉結斷腸緣
不堪細數西窓話髣髴春風四十年

累咽重欷悲復悲哭殘弱婦哭嬌兒香車遠去何多日
玉樹生埋又幾時白髮長啣離別淚青山未買送歸詞
關河迢遞風霜冷盼斷征鞍落日遲

時大兒北上

喜珍兒至京三首

三年離別各天涯千里羈棲老歲華塞北雁飛吳市月
江南人夢 帝城花相逢觸目容顏改重話傷心涕淚
賒白髮可憐骨肉在風塵回首久無家

汝從故里到燕臺辛苦冰霜策蹇來秉燭夜深如夢寐
解衣歲暮半塵埃舊絃彈起腸重斷新酒澆殘眼暫開
嗚咽喜心翻倒極飢寒并日不須哀

京華同覽上林春忝竊中朝侍從臣惟有文章能報
國祇無衣食可謀身已知命坐孤虛地還信天哀志氣
人努力雲霄多事業聖賢憂道不憂貧

奉陪益都公長椿寺請瀾壑禪師傳戒敬和原韻

鳳城深處奈園開，毒鼓逢逢上講臺。
卜筮地隨居士住，七條衣待相公來。
觀空始見真修業，說偈還推老辨才。
正是檀林雪霽後，天花散滿不須栽。

吳漢槎自塞外歸喜贈二首

二十三年夢見稀，管寧無恙復來歸。
餘生尚喜形容在，故國翻疑城郭非。
燕市和歌宜縱酒，山陽聞笛定沾衣。
感念弘人聞夏西風紫塞重回首，不斷龍沙哀雁飛。

天上金鷄初解嚴，流人萬里望江南。
妻孥並載如馳傳，親友相逢爲脫驂。
野史雅堪收寄象，秋笳還足譜伊甘。
秋笳漢槎詩名采蓴剩有扁舟在，唱入垂虹百尺潭。

辛酉除夕同珍兒守歲用除字韻二首

急景匆匆歲又除，羈愁四載暫眉舒。
已無燈火追圍坐，且共杯盤慰倚闌。
薄俗難求五斗米，冷官只守數行書。
東風早向殘年發，顧影聊將白髮梳。

天涯兵革喜驅除，更始新頒寬大書。
春到人間皆快活，恩施地下重欷歔。
汝遭盛世宜搗筆，我及頽齡應息車。
乞取扁舟歸去好，青山無恙舊柴廬。

壬戌元旦朝賀 賜宴恭紀用元字韻

紀年重覩起貞元，待漏羣趨左掖門。
紫燎光中迎翠輦，彩鞭聲裏颺珠旛。
分班萬國高麗舞，上殿諸王儀象樽。

八載焦勞觴不舉微臣此日幸承恩

早起

四鼓冬冬起不眠朝衣假寐尚瞿然已看雪片堆三尺
安得花陰過八軒侯宅錦旂圍画燭田家布被着新綿
那知騎馬聽鷄客半夜清霜滿髻邊

送張敦復學士給假歸葬二首

十載西清直 君恩許暫歸薊門青草發江路白雲飛
雙闕題蕭隴孤燈夢瑣闌 翠華遊幸處還憶侍臣衣
天子朝陵寢先生返墓廬 九重推孝思三徑幸休居
山鬼驚宮燭鄉人索 御書早趨宣室召莫戀皖江魚

上巳萬柳堂禊集和益都公原倡二首

迴絕幽棲地高軒時一過採春燕俗近修禊晉人多雨
後詩懷冷風前酒色酖相攜隴畔去還聽飯牛歌

柳下開蓬徑花間見杏壇分抽翡翠管任側鷄鸚冠綠
野偷閒至青山倚醉看朝來春雨足試一問園官

于京集卷五

長洲尤 侗謨

自壬戌四月至癸亥十月止共詩六十五首

大駕謁 陵恭紀二首

中原兵革已銷鋒 天子東巡御六龍
燿燿軍容千帳月 鬱蔥王氣二陵松
回中羽獵山河繞 塞外宸遊風雨從
聞說神都近長白 設壇應用紫泥封

太平玉燭舉燔柴 告至還登沛上臺
雲護九重知帝出 山稱萬歲望君來

大酺爭覩離宮盛 肆赦欣逢解網開

詔赦鳥

喇流人

法駕旋時正端午 饒歌新奏上之回

宛平公大拜恭賀四十韻

帝夢求良弼官占得世臣 先朝黃髮舊 內制白麻

新地切中台里天開正午辰商霖宜國瑞

時久旱命下日大雨

周鼎本家珍宗伯風遺古文貞道絕倫青箱傳大業黃

閣繼芳塵少日簪彤管經年侍 紫宸直廬供幄帳視

草掌絲綸奉職三臺歷宣勞九列陳洪纖皆練達夙夜

祇清寅逮詰戎兵重時當寇盜頻籌邊馳羽檄奏凱伐

金鐔正爾資元老胡然臥鮮民蒼生思衮舄 丹陛矜

蒲輪萬里狼煙息三年虎穴馴 龍樓頒肆赦 鸞輅

出時巡含鼓震區治賡歌上下親 垂衣需黼黻 當

宁倚衡鈞玉鉉聲名盛金甌姓氏真相才惟有導公望
莫如珣已覩三星見無煩四岳詢白沙方載路綠綬恰
隨身是鳳鳴阿閣非熊躍渭濱東山瞻氣象北斗露精
神輔相當持泰經綸在濟屯陰陽咸就理風俗自還淳
膏澤推幽遠和羹取苦辛止戈昭大武解網廣深仁絲
穀除加賦舟車罷筭緡采章觀舞節豐歲聽吹豳爰立
千官表能令萬物春太平誠有象至化洵無垠薄宦揚
雄拙生徒原憲貧慚非千里馬幸遇九方歎石室空書
汗金門暫陸淪窮魚懷跳沫弱土得陶甄久矣從夫子
于焉見大人賀應同燕雀圖合比麒麟願作掃門客敢

稱入幕賓翹材并接士端不羨平津

送汪舟次檢討使琉球四十韻

帝德敷千羽 王圖集共球職方通寄象封典及流虬

古名流虬如虬浮水中也

天子咨專使廷臣相遠侯官宜太史筆

人是巨川舟

汪名楫

容貌夔龍偉言辭僑肸優皇華持漢

節吉日佩吳鉤祖道儀章重 臨軒錫予稠頭銜一品

服簾從五花騶孔翠承高蓋交龍樹曲旂朝衣辭 北

極鹵簿指東甌六月同車馬雙星入女牛

副使林玉岩中翰

風

師吹喜氣海若送安流遂自梅花所遙臨古米洲雲端

仙子降天末遠人柔長史迎牙纛番君拜 冕旒國門

歡會啓宮井瑞煙浮彩扇葫蘆貼金簪瑪瑙鏤雕翎文
在手結髻錦纏頭簪笠垂環具犀渠繫刺緋四時蕉爛
燭萬戶鳥鈎轉食祇炊螺殼居寧聚鬪體擊刁童子舞
帶草女君謳嚼米成奇醞團醅佐庶羞法筵天界廣宴
席水亭幽戲任龍標競文從太學搜勅書金匱襲

賜物玉杯酬

明武宗舊賜玉杯

七鳥遺風在三山故老留賦詩

題館閣記事載軒輶能却千金贈何辭萬里游宗生真
破浪尼父亦乘桴忠信符潮汐威嚴退石尤雲霞依画

鵠蛟蜃擁層樓振柁暹羅望

二國名

迴颿旗鼓收

二山名

蠻

邦觀禮樂澤國歷春秋爭艷才名盛因知文德修椒蘇

充貢翰翰墨定邊籌小嶼環 天闕洪波達 御溝勲
勞傳 禁掖姓字動遐陬馬上黃羅帕車中紫綺裘歸
來歌燕喜鼓吹滿揚州

哭陳其年二首

歎息斯人而有斯茫茫天道竟無知微官難煉飢寒藥
獨客長吟歌哭詞炊日夢回添白髮玉棺竟去殉烏絲
祇應恨血千年碧洒向荆溪夜雨時

平生喜對陳驚坐握麈軒然興有餘貧向金門空索米
老來玉局漫紬書前程黯淡銘旌冷後事淒涼硯匣虛
不待山陽聽吹笛但逢大樹便迴車

其年寓有大樹營
婆婆其下

曉入 西苑二首

苑西門裏小橋頭
橋下潺湲水急流
應是採蓮人未起
岸旁斜鎖木蘭舟

習網千絲畧杓間
君王有旨許人扳
侍臣笑捉金鱗去
不覺朝衫點水斑

直院漫興

親切天門是北扉
退朝小憇解宮衣
映堦草蘚尚春色
入座槐陰恰曉暉
榜上銀花墨故在
閣中鈴索響全稀
前賢名氏都零落
惟有年年雙鵲飛

苦憶二首

苦憶水哉亭上坐披襟散髮納涼時輕雷送雨鳴荷蓋
細浪迎風捲柳絲蟹眼乍烹棋罷局鷄頭初剝酒盈卮
隔牆又聽兒童笑來報梧桐月滿枝

而今老向長安道矮屋三間入甕時門外馬蹄塵似糞
案頭蠅脚墨成絲朝回有客投名刺病後無錢却酒卮
長日祇堪高枕臥夢隨蝴蝶繞南枝

臥病和韻

比因臥病容休沐自向閒中感歲時漸覺涼颺清瑟瑟
劇憐短髮白絲絲三年客夢同飄瓦一夜秋霖似漏卮
近讀南華微解悟吾生寄託本駢枝

愚山羨門屬和再柬一首

西鄰南舍皆良友，間濶連朝陰雨時。
漫向黃塵塗墨汁，敢勞白雪和朱絲。
逢人且看朦朧画，玩世宜持屈曲卮。
強起扶筇成悵望，秋風又響碧梧枝。

萬柳堂讌集益都公席上留別奉和二首

老臣歸去宴長楊，拂拭安車帶曉霜。
遙指青山皆故里，迴看綠野卽他鄉。
流連絲竹襟懷遠，傾倒杯盤笑語長。
弟子驪歌且罷唱，君王親自灑詩章。

十年黃閣暫投閒，三徑蓬蒿記手刪。
白髮底須拖綠綬，丹砂正好煉朱顏。
何緣伊傅皆辭國，

并及寶坻相公不信夔龍

更買山回首可憐鬱鬱柳春風常製釣魚灣

黃忍菴貽簑衣餅戲答三首

虎丘月市二山門慣捲簑衣堆滿盆京邸相逢驚一笑

更思長蕩買餛飩

菱名

何家水引東家丸開盒先將十字看此處幸無書画具
不煩濯手恣君餐

中秋月餅滿街多嫩玉誰工織手搓舉似北人應絕倒
撐腸終不及波波

珍兒成進士 欽點庶常感而有作

微臣奉職隨班久孺子承恩 賜第新深愧同朝掩佩

敢敢希再世掌絲綸校書並命趨黃閣待漏相攜入
紫宸獨恨一家生死隔泥金誰報下泉人

贈趙申伯大理

先是每日朝集趙上疏請免得

一紙封章輦下傳班行耳語各欣然豈惟之子稱司直
自是君王聽轉圜寒月三更休問夜春風十日始朝
天自慚飽食閒無事讀破殘書晝欲眠

歸興六首

無才衰老只當歸二十年前雅志違麋鹿性情惟獨宿
鷺蜩伎倆莫高飛祇須還笏扶藜杖耐可投簪換衲衣
解道生還今日事留將白髮對斜暉

吾生貧病只當歸逆旅蕭條煙火微夏屋頻年嗟不飽
秦庭此日賦無衣端居每苦風沙擾僵臥還愁雨雪霏
歸去采薇兼采藥加餐聊補歲星饑

時宜不合只當歸熱鬧場中冷客稀出路常遭窮鬼笑
閉門難免俗人譏疎狂自覺形容改翻覆相看面目非
何似避人成小隱翛然坐忘海鷗機

子身哀逝只當歸骨肉凋零血淚揮荒草茫茫悲未歇
陰風寂寂悵何依踏殘尺土埋香屨攜取孤燈伴總幃
願學山中牧犢子援琴高唱雉朝飛

閒官無事只當歸素食金門豈見幾史局不堪牛馬走

朝班敢慕鳳鸞飛身棲魏闕新觚角夢繞吳江舊釣磯
獨有 君恩深未報兒曹勉力事 形闕

人生適意只當歸豈待今朝悟昨非薄宦正如寒日短
故交漸逐曉星稀林逋山下梅花放張翰江東蓴菜肥
閒向水哉亭子坐不勞車馬歛柴扉

酬彭訪濂見過次韻二首

低頭東野舊雲龍風雨三年喜再逢疎濶自存交道古
淹留豈戀宦情濃前程冷淡空山雪晚景婆娑寒歲松
忝竊微長論詩律玉堂衰髮肯相容

挑燈重話故人情忽忽癡心酒醉生到處煙波堪汎宅

况逢山海已休兵，窺來翻覺篇章健。老去閒看富貴輕，
寄語東華朝集客。西風班馬聽歸聲。

歲除前三日，愚山招同忍菴、羨門、華隱暨珍兒共
飲次羨門韻二首

天街此日人如蟻，恰是吾曹晏坐時。那得大官供石炭，
且逢老友斫銀絲。愁深易覺壺觴竭，話久渾忘更漏遲。
莫怪世塗輕薄甚，古來白首見相知。

浪跡天涯感慨長，東華誰辨軟紅香。交情共聽三年雨，
旅况平添兩鬢霜。下酒最欣寒具美，傳柑應讓熱官忙。
還憐分手成岐路，有客將歸舊草堂。

壬戌除夕再用除字韻二首

除夕猶然是小除

盡小

寂寥邸屋閉門居官閒自咏歸田

賦交冷無勞上計書老大久看人事變浮沉漸覺我生

餘呼兒且酌椒盤酒漫點殘燈照耗虛

都人年夜點燈曰照虛耗

僕夫擁篲掃階除客子圍爐讀道書且喜比鄰喧爆竹

莫嗤寒舍剪冰蔬一家流涕分泉壤兩世叨恩進石渠

憑仗今宵覓夢穩梅花消息問何如

癸亥元旦朝賀 賜宴恭紀再用元字韻

太平重見樂元元冬令先開春氣溫列國並圖王會盛

天下官

夜郎亦識漢家尊

四譯諸使

金鐘九奏知鳴豫玉饌

千盤喜拜恩獨有微臣歸思切鑑湖一曲戀君門

人日同石樓鳳岡飲忍菴齋次石樓韻

猶喜相知聚一堂燈前談笑學蒙莊過年稍謝詩逋急
卜夜徒勞酒政忙人世光陰同露電天涯涕淚總冰霜

時聞亡
兒婦歿

闌珊殘臘龍鍾醉明日春風舞袖長

春朝書感

千門煙火六街塵秧鼓聲中又一春爭羨魚龍歌舞戲
誰憐猿鶴嘯啼真浮名久付人間世幻質虛存物外身
感念亡兒若初歿五更殘夢獨沾巾

送徐果亭中允歸二首

東海君龍腹聲名副次公雖爲蓬島客雅有竹林風草
閣三江上征帆二月中帝城雲樹裏矯首望冥鴻
幾載金門直江湖興邈然竭來同玩世暫去卽登仙勝
事逢櫻筍高懷寄簡編嗟予留滯久深愧祖生鞭

送孫子立編修使安南

象山龍水宅南交玉節遙臨震四郊漢代自來封胙土
楚人此日貢包茅垂天丹詔懸銅柱夾道蠻歌雜鼓
鐃正是春風仙艾發菴羅果子佐行庖

送金亦菴侍郎開府閩中

萬里籌邊滇海頭歸來建節入閩州青山幕府分旗鼓

紫蓋星文見女牛，馳傳清風臨絕徼。
洗兵膏雨滿平疇，指麾坐令鯨鯢息。
不用將軍下瀨舟。

送宋牧仲分守通永

昆脚皆頭久有名，簡書特賜建雙旌。
漢京本重左馮翊，燕地兼分右北平。
錢穀兵刑交旁午，文章馬槊並縱橫。
開門便見長安日，早聽輿歌達聖明。

送杜讓水令廣昌

峻絕飛狐道，平臨倒馬關。
曾看千騎塞，暫借一琴閒。
青草留春隴，黃雲照市闌。
杜陵詩興在，杜笏對香山。

將歸再用前韻六首

思歸五載始言歸兩月京門先掩扉懶向紅塵追野馬
羞將白髮點朝衣避寒且逐桑榆煖療瘦聊貪筍蕨肥
便覺此身輕似葉秋風好趁雁南飛

金門底事苦懷歸衰病侵尋心力遠未報 君恩悲命
薄不成史職愧才微蓬萊殿上天香滿太液池邊曉露
晞曾記頻年趨走地孤臣祇有夢相依

諸君勸我奈何歸五十人中半息機黃土頻驚逋客至
石臺其年諸子 青山尚怪隱侯稀天生鈍翁 儒生公事同芸閣漁父

前程只釣磯獨恨故交成遠別河梁攜手欲沾衣

登高遠望豈常歸回首家鄉歎式微庭院甍窳人去久

池臺零落鳥鳴稀
挽歌爲問墳三尺

亡妻未葬故感及之

流涕還

看柳十圍指點某丘
吾欲老一杯酌罷五絃揮

少年宜仕老宜歸
義在非關出處違
荷蓀溪山吾獨往
校書燈火爾誰依
莫傷離別臨南浦
勉効勤勞進北扉
自古事君資事父
皇關原不異親闈

示珍兒

鷓鴣留住杜鵑歸
殷鐵劉班孰是非
賓戲客嘲聊自解
猿驚鶴怨免交議
相如病後知游倦
孝緒蒼成取遜肥
竊比遂初堂上老
溪邊舊話尚依稀

先文簡致政築遂初堂故梅村贈予

詩有遂初重把舊堂開之句先司徒著萬柳溪邊舊話

哭施愚山四首

傾蓋相逢四十年白頭永訣兩茫然
我因小劇淹三伏君竟長眠隔九泉
宦蹟祇餘客舍在詩名已作古人傳
平生苦愛西堂咏還向靈牀呈短篇

與爾齊年少長餘羈棲猶得比鄰居
情深賈誼多流涕口吃揚雄善著書
拙宦每愁妻子弱勞生亦歎利名虛
早知珠玉同塵土悔不雙橋老釣魚

有盡光陰不朽名愚公注重宣城清風久已傳
先代古道真堪式後生搜剔山川成雅調
流連杯杓見交情此中空洞原無物
臨了何妨撒手行

聞君疾革起坐櫛沐而逝似得禪家

解脫者

當時應 詔賦長楊簪筆同班鴛鴦行分手天涯俄聚
散傷心鬼錄半存亡江山翰墨黃腸具臺閣衣冠石子
岡我亦扁舟滄海去西風鐵笛弔山陽

爲王瑁湖悼亡

彤管當年賦碩人金門此日從夫君絲窓正喜開朱鳥
青鈿俄驚返白雲媚寢尚思香草夢靈修共惜玉衣焚
秋來潘鬢消多少遺挂空題哀逝文

定州秦使君招飲閭古堂拈中秋二字韻

青門歸去赴西風行到中山秋正中千里怡隨明月至
一樽暫對故人同墨池雪浪懷坡老幕府風流說魏公

古往今來誰閱盡塞鴻夜半起寒空

堂是韓魏公建有東坡雪浪石刻

征車又見一輪秋投轄重逢秦定州此地原依日下近
幾人能向月中遊琴堂晝靜攤書卷草閣燈深數酒籌
回首長安天尺五彩雲應掛鳳城頭

臨城宋使君同游青龍潭

太行山色繞城牆官舍秋高半夕陽聯騎偶過村郭外
行厨暫醉石崖旁小橋沙岸落青鳥古廟野風鳴白楊
憑弔戰場泚水上土人猶指釣盤岡

陳餘云魚遇釣盤吾不活矣

登衛輝望京樓贈田介眉大叅

已出京門汗漫游登高還上望京樓黃雲長繞燕山路

蒙竹猶依淇水流古道車牛來特特秋風禾黍晚油油
朝歌不用迴車去試聽河西野老謳

九日濟源族姪天階攜酒同游段侍郎盧墅二首

玉川昔日煎茶地柯古當年載酒時綠野回頭今已矣
青山對面尚如斯偶停車騎窺三徑漫借琴棋遣一卮
欲折黃花殊未得却裁紅葉共題詩

已向鐵菴尋勝蹟還從盧墅撥良辰百年望古空秋草
九日登高有旅人濟水波瀾常隱現太行雲氣自輪囷
阿咸爲政多閒暇林下相攜竹葉春

濟瀆

中州維嵩高黃河爲至鉅厥秩視公侯大物天所予濟
水一勺多何居四瀆侶水由地中行汙流見茲土衆濁
我獨清朝宗得其主此理人不知導源自神禹司之有
冥靈廟貌山來古 朝廷薦俎豆穹碑滿堂庶配以北
海若乘時興雲雨擊石事旣奇李貨卿傳書石尚存浮帛神如覩
宣德中有老人賁奏辭神二帛浮出水中大樹一將軍漢栢封將軍儼同大夫五
百尺蠹無枝其上結釵股氣象凌千章娑羅亦首俯秋
色正蒼茫波光澹容與一吸珍珠泉兩腋清風舉遙指
王屋山雲旗往來處恨不續九歌巫陽舞翺羽

汴城懷古

自古名都說大梁，兵戈浩劫幾滄桑。
繁臺莫問歌吹地，艮嶽空傳花石綱。
萬里黃河歸故道，百年喬木倚斜陽。
金橋明月依然在，樂府誰家唱憲王。

月如霜

崆峒詩齊唱憲王
新樂府金梁橋上

塗中頻夢亡室有感四首

幾載睽離隔帝京，歸家日近喜相迎。
荒村茅店匆匆話，怕聽鄰鷄報五更。

千里關山路九迴，繡鞋辛苦踏霜來。
燈前髻影依稀在，不信粧臺隔夜臺。

生死悠悠彈指間，重逢猶認少時顏。
醒來腸斷成追憶，

殉葬羅衣繫玉環

整夜淒涼半枕孤夢中相見却勝無精魂應笑山頭石
空倚西風日望夫

見孤雁南飛

極目長空雁陣飛憐君失侶去無依風吹木葉遺音斷
月落沙汀顧影稀夜永沉吟悲獨宿曉寒珍重送人歸
也知客路淒涼甚尚戀吳江舊釣磯